

facit indicium ad torturam, cum nihil certi probet: Dubitatio namque & incertitudo vel ignorantiam, vel absentiam testis importat, ut ita contra eum fiet præsumtio mendacii. Zanger c. 2. num. 26. & 27. p. 793. de Tort. & Question. Justus Reuber. in Tract. de Testib. part. 3. num. 143. Carpzov. d. 1. Quæ omnia rectè se habent, nisi contra depositionem unius testis quædam pro reo militant in contrarium; quando enim ea, quæ pro reo militant, elidere possunt depositionem testis unius, probatio non est semiplena, & consequenter locus non datur torturæ.

## ARTIC. XXIV.

*Ex indiciis nominatim hic expressis, ad non expressa, neque nominata, per comparisonem arguere licere.*

Daß man aus den nachgesetzten Anzeigungen / in unbenannten / und hierin unausgedruckten Argwöhnigkeiten der Missethat / Gleichniß nehmen möge.

**A**us diesen nachgesetzten Articulu / von Argwöhn und Anzeigung jeder Missethat sagend / soll in Fällen / so darinn nicht benannt sind / Gleichniß genommen werden. Wann nicht möglich ist / alle argwöhnige und verdächtige Fälle / und Umstände zu beschreiben.

## AD ARTIC. XXIV.

## ARGUMENTUM.

*Ab illis indiciis, que in hac Sanctione expressa sunt, argumentum est deducendum ad illa indicia & præsumptiones, que expressa non sunt, quoties paritas aut similitudo rationis hoc postulat.*

## EXEGESIS.

**R**atio hujus articuli posita est partim in *Impossibilitate*, quoniam fieri non potest, ut omnia indicia, præsumptiones, & circumstantiæ delictorum lege queant definiri, quippe quæ ferè sunt infinita; partim in *rationis convenientia*, ubi nimirum est eadem ratio, ibi quoque est eadem Juris dispositio: adeoque à similibus ad similia licet argumentari, & ita ex paritate rationis leges ad similes casus producere. Vide Mantz. ad h. art. p. 105. & Blumblach. ad eund. p. 87.

ARTI-